



Inatsisartunut ilaasortaq
Jens-Erik Kirkegaard
Siumut

Pinerluttulerinermik inatsit pillugu § 37 naapertorlugu apeqqutip nr. 148-p akineqarneranut tunngasoq

Allakkani 30. juni 2016-imeersuni paasitippakkit § 37 naapertorlugu apeqqutigisat akissutissap ilaneqarnissaa siunertaralugu Justitsministeeriarfimmu saqqummiunneqarsimammat, akissuteqarnissamullu killiliussa saqqummiunneqarsimammat, akissuteqarnissaq periarfissaanngimmat.

Tamatuma kinguneratigut apeqqut 1-ip imannak oqaasertallip erseqqissaaffiginissaa siunertaralugu Justitsministeeriaqarfimmiit attavigineqarsimavunga:

"§ 37 naapertorlugu apeqqutip nr. 072-ip 2016-imeersup akineqarnerani pinerluttulerinermik inatsimmi § 79-imi takuneqarsinnaavoq meeqqamik 15-it ataallugit ukiulimmik atoqateqarneq allatulluunniit kinguaassiuutitigut atonerluinerit, pinerluuteqartorlu meeqqap ukiuinik ilisimannissimappat imaluunniit mianersuaalliorsimappat, tamanna pinerlunnerusoq.

- a. Pinerluttulerinermik inatsimmik atuinnermut atatillugu, assersuutissallu 2-k uku aallaavigalugit: Inersimasoq 18-it qaangerlugit ukiulik piffissami sivilisinerusumi meeqqamik 10-t ataallugit ukiulimmik kinguaassiuutitigut atonerluisimavoq. Assersuutissat aapparaat inuk 18-i qaangerlugit ukiulik inummik 14-it ataallugit ukiulimmik kinguaassiuutitigut atoqateqarsimappat."

Apeqqut qanoq paasisariaqarnerasoq Justitsministeeriarfiup paasiuminaatsippaa imaluunniit apeqqut 1 apeqqutigineqartunut tullinnguuttunut tunngaviliussatut paasineqassanersoq.

Justitsministeeriaqarfik sinnerlugu apeqqutigisat erseqqissaaffigeqqullugu qinnuigissavakkit. Erseqqissaatissatit tigoreeriarukkit Justitsministeeriaqarfimmu ingerlateqqissavakka.

Allakkani 30. juni 2016-imeersuni ilisimatippakkit pinerluttulerinermik inatsit pillugu apeqqutinnut akissutigineqartut tigoreeriarukkit kingusinnerpaamik ulloq 26. august 2016 akineqarumaartutit. Killiliussa saqqummiunneqarsimammat ilinnit erseqqissaanerit piaartumik tiginissaat pisariaqarpoq.

Inussiarnersumik inuulluaqqusillunga

Martha Lund Olsen

22-07-2016
Suliap nr.
2016 - 10446
Allagaatip suussusia Nr.
3189987
Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl